

春融堂集

春融堂集卷十七

青浦王和德甫

杏花春雨書齋集三

庚子

元日朝賀侍班

宮燭輝煌下九霄侍臣先奉

紫宸朝

內閣大學士都御史及翰林講官在殿

上侍班故先在中和殿行禮

六花瑞雪明齋禁五夜春風協鳳韶

玉陛

平看

仙仗肅

凡儀仗班行不整者御史舉劾

金爐近接

御香飄綠知喜

氣先吳會已見蒼龍映斗杓

即日南巡

初四日同鄉小集

新蟾已過月初三把酒高齋秉燭談雪霽春廚聞剪韭香生

客坐笑傳柑做裝更慰鄉心切

時太夫人尚在家

簪筆先書

聖

澤覃料得諸君皆羨我淮南行盡又淞南

時將隨蹕

新穀齋宿都察院

洪鈞轉嚴凝元化孕亭毒風和暖律回雪霽春膏足祈年重  
天宗告備春卿肅

皇心厯屢豐祇敬情彌篤

九重宣

室居百爾官廬宿敬答蒼帝恩用啓芸生福蘭臺本森嚴致  
齋愈清穆烟開月似弦雲靜天如沐迢遞聆禁鐘輝煌伴椽  
燭行將履青壇儼立侍

黃幄整衣命僕夫殷勤候紅旭

前

一日  
官在門外排班侍立

扈蹕南巡起行作

最幸東南澤國民敬承四次奉時巡朝來又見鑾輿駕  
路上人看鳳詔新

獻賦蒙恩廿載餘凌雲當日擬相如誰知絕徼歸來後仍  
命簪毫扈屬車

九九消寒一半過郵程從此曉風和玉河橋下冰先泮總爲  
天家雨露多

六街簫鼓鬧新年市上唐花取次妍共喜香風來遠近沈檀  
添炷萬家烟

趙北口

行宮

命諸臣觀燈火入宴聯句恭紀

三十四韻

望幸江南切鳴鑾趙北行紀年方值子間俗共由庚淑

氣隨瑯輦條風颺繡旌黃圖春早到去臘二十九日立春紫陌雪

初晴紅杏苞猶細青楊縷漸生幔城臨水建帳殿傍雲平

劍佩貔貅衛冠簪鵷鷺盈上元遵舊典後樂合瀾堪輔展

從中設球鐙次第呈芳筵登折俎雋味發和羹燔炙廚人進

馨香膳宰烹潼漿攜碧椀醺醪泛瑤觥樺燭千條燦蠟珠百

顥瑩玉壺宵竝朗水鑑夜光清竹馬兒童戲神鼇父老擎銀  
花飄婀娜爆竹遞鏗鎗粉堞烟中列朱旗餽裏明枝還開玉  
蕊果忽現紅樓老鶴梳翎展神龍掉尾橫光芒幾欲眩幻巧  
詎能名巨礮連環應奔雷遠近驚偃師施妙伎麴部競新聲  
裂石仙宮笛停雲佚女箏十番音撒雜六樂響噌吰酒已終  
三爵詩還 命九卿劈箋聯寫句選韻 賜同賡自幸叨  
榮遇何由竭鄙誠 宸章垂北斗奎藻陋西京鐘鼓宣金  
奏璿璣轉玉衡 隆儀傳海岱佳話溢滄瀛示 惠方成禮  
修和待 省耕需雲孚叶吉湛露潤同傾 壽愷衢樽慶謳  
歌蔀屋情仰瞻時邁什千載協韶謌

恭和

御製賜隨營衆臣及山東大小吏食得句

元韻

湛露 恩叨此又逢清泉百道樹千重良宵已預觀燈盛禁  
地真慚載筆從勝境久推山左最芳筵幸飫 尚方供仙羹  
明日添韶麗桃柳芳妍映六龍

時正月晦日

恭和

御製賜隨營衆臣及江南大小吏食得句

示志元韻

雨過芳田又報晴 帷宮曲宴傍 鸞旌深叨 恩遇笙簧  
樂愈仰 咨諏稼穡情麥映春蕪青剡剡波平河渚綠盈盈  
溫綸錫賞連朝降已喜陽和協大生

恭和

御製渡黃卽事元韻

虔禱駐 鸞旌凝香對綵棚波平桃後汎雨愛午時晴雁戶  
欣常集龍宮靜不驚今看嘉績奏往厯 聖心忭豫奠連  
淮泗黃安逮運清 封章看送喜作乂仰 精誠

至淮安奉

命祭先賢祠

宋政久不綱中原傷板蕩選懦遘虜王謹收疲奸相畱守請  
還京陳辭最憤壯辛勤收餘黎感慨勛諸將苦憶杜陵詩清  
淚灑甲仗連呼渡河三終焉痛淪喪迄今事已杳讀史輒悲  
愴褒忠逢 聖明覽古卹貞亮尊魯耀崇筵牢醴列黼帳  
登堂宣 綸音拜手獲瞻仰畫圖棟梁懸殊見憂勞狀禮成  
出廟門江濤正鼓盪

宗忠簡公澤

皇威暢埽除 國典重風烈煌煌忠正公受任遭杭隍滄桑  
已變遷烽火正纏結一軍劇危疑四鎮互攻許惟茲憂國心  
銜命仗節鉞似續計已捐寢饋身無節守牧淚滂沱偏裨氣  
嗚咽風雷來北方陪京就傾滅未歸先軫元誰見蓑宏血偉  
矣衣冠藏依然松栢列易名 綸綍崇 賜祭牲牷潔筮簫

廊下陳玉帛堂中設身騎箕尾來雲旗耿超忽

史忠正公可決

江山連吳楚碧海環其垠扶輿蘊靈異草昧生名臣偉哉文

貞公蔚起矢精純從容玉堂步密勿講幄勤扈蹕徽猷

播從征祕畫陳祥刑審古律議禮刈繁文一德資啓沃三台

秉衡鈞聖心厘往哲遺祭傳恩綸香升几筵肅日麗

榘桷新仍孫見濟濟俊士來侁侁庶幾綿世澤還以程先民

張文貞公玉書

至蘇州復奉命祭先賢祠

至德寧終晦高名自古傳荆吳開陋俗文學啓羣賢裸獻循

前典牲牢告吉蠲猶將三讓意垂教託神弦

秦伯廟

碩德齊忠憲清風頌伯夷

公所書此頌屢荷賜題

危言邪黨懾偉畧敵

人疑名豈三吳重人將百世師薦馨還肅擗憂樂仰無私

范文



正公

仲淹

舊俗疲庸相新猷煥鉅儒農桑循樸儉禮義砥頑愚道直危

疑定

見堯峯文鈔

名高禮數殊

雍正初年賜諡文正入祀賢良祠

即今蒙

特祭

霑灑萬人趨

湯文正公斌

南楚聲華早東吳政績長何為逢虺蜴竟欲寘桁楊日近

絲綸轉風清俎豆香况聞垂祀典久已重賢良

陳文勤公賜年公久入京

師賢良祠

貞玉磨難磷寒松久愈堅兩端姦黨計三宥

聖恩全按

吏除貪墨興毗造俊賢至今瞻廟貌祝贊倍加虔

張清恪公伯行

### 硯山丙舍卽事

茅茨小築硯山邊暖翠柔藍各自然想見當時營構意幾番

相度得牛眠

桃杏爭春次第開數行松檜映重臺莫嫌村路多幽寂上塚  
燒香共往來

敢將先澤比瀧岡淚染松楸墓道荒說與山農勤灑掃不知  
何日再焚黃

蓬萊道院故址

在木嶺

南岳曾聞禮玉真香龕猶對牡丹春已收羅郁爲高弟更與  
方平作主人風颺旌幢來鶴羽雲歸巖麓隱龍鱗左神指點  
吳山近閭苑何須問海濱

至杭州復奉

命祭先賢祠

唐室方凌替乘輿屢播遷中原誰戡亂內相賴持權河北軍  
烽起山東殺氣纏心紆宗祏計人感詔書宣處處頑凶動人  
人涕泗漣疆藩謀未息讒口謗爭先激發爭臣論分明實錄

編奸邪雖易滅瘴癘有誰憐避禍難窺面憂時肯息肩懷賢  
思再召遘疾竟難痊正直神明在君蒿祀典延千秋餘奏議  
仰見日星懸

陸宣公贊

五季方雲擾三吳獨晏然惟因通玉帛遂得免戈鋌歌舞安  
恬久桑麻樂利便地形江海滙星象斗牛躔富庶傳來禩綏  
和憶往年已看王業肇豈有霸圖偏鐵券詞堪讀靈衣彩尚  
鮮難扶唐社稷終納宋山川耕鑿羣生樂衣冠後代賢馨香  
開廟貌功德奏神絃清獻封章備文忠翰墨緣摩挲還眺望  
花柳映湖船

錢武肅王謬

北狩皇輿蹙南遷國勢摧中興資問氣上將出奇才痛飲言  
將驗長驅志宵灰兩河還社稷九廟掃烟埃別路橫戈待遣  
民送款來功將成百戰詔已出三台弱息投胥井親軍泣背

鬼青城終忍辱碧血最堪哀鐵券功動著金陀記載該神靈  
長震蕩祀典憶昭回香火承朱幄春醪滴翠苔靈旗覩太乙  
來往共風雷

岳忠武王飛

國難倉皇日人心震盪時苟非紆幹畧何以藉維持憶昔明  
中葉當年柄下移貂璫權獨擅疆圉事誰支敗績三邊震蒙  
塵萬乘危賴公司武部獨力任軍麾智勇從容見營屯布置  
宜摧鋒兵勢壯乞款敵情疑黃幄應徐返青衣免其嗤氣剛  
宵小嫉功大禍機隨忠憤千秋激馨香奕代思試看金齒戍  
曹石竝誅夷

于忠肅公謙

恭和

御製賜扈蹕諸臣及浙省大小吏食元韻

本重朝宗念

時閱海塘

還因補助臨陽和真有腳元化喜同斟

麥秀春分節雷催夜半霖芳筵歌燕衍冠蓋滿華林

恭和

御製瑤瑤寺元韻

寶地從新闢嘉名溯昔云詎同三竺秀亦荷  
六飛勤寺徙烟嵐在春深草木欣  
知仁山水樂清淨謝繁紛

恭和

御製葛嶺元韻

琳宮紺碧更新之指點仙家示有爲初日高臺開畫嶂清泉  
春漲響金絲壽星福地前賢蹟玉簡香燈奕代祠豈復崆峒  
煩訪道省方羣頌萬年斯

散直後同梁溪相國劉少宰石菴彭少司空雲楣

元

瑞

吳太常廷韓放舟至三潭印月

春深暑更長時康事益省午漏聞丁丁隔牆轉槐影退食已  
蕭閒相邀就湖艇脩脩沙鷺飛策策遊儵靜稍近湖心亭垂  
楊掃烟町取飲命提壺芳肴更修整清言簡而文微風送欬

醉少選斜陽西  
蒞月上東嶺沿洄過三潭  
天水望彌永依稀  
僧鐘遙杳  
鰓魚火耿湛露散遙空如珠濕萍荷身疑姑射仙  
地似蓬萊境一笑山澤癯何繇慕箕顓

同諸公遊白沙泉

倚棹信所如  
彌脊烟波渺漸看梅檀林遠出青松杪  
精舍本莊嚴修廊互窅窳  
老僧進茗飲色味勝良醪云此是法乳論  
品諸山少純粹謝凜冽甘和洗煩惱涓流不在多一縷貫昏  
曉持此供法筵頗作香廚保今逢翠華來林泉豈愛寶玉  
芽雨水前先茁藉幽討上方進御珍不作龍團造其妙逾  
幽薰其芬冠香草活火走車聲洵足稱爾好聞言腋生風心  
神洞八表自愧本老饕從茲豁醉飽

行至嘉興奉

命獻事青州

按事朝聞使節願回程已別浙中山青簾白舫催征棹紫緞黃旗憶侍班驛路春深花漠漠江村雨漲水潺潺此行何計紓民隱須與秋卿共詰奸

去秋偕子才明府泊舟北固山下令小史桂郎度曲因作五絕比入都羅布衣兩峯

聘

余秀才少雲

鳴神

繪圖記之長安傳爲佳話今次京口澹雲微雨風景畧似去年獨與漢宣青燈危坐回憶子才在白下桂郎在金閶而予先奉命將由山左按察江西曩時雅興了不可得復作五絕索漢宣屬和兼寄子才不勝今昔之感云

多景樓前盡舫停空江微雨夜冥冥坐中祇少中郎並喚取歌珠剪燭聽

征蓬苦憶去年秋，楓葉蘆花共晚愁。  
可惜流光一彈指，又看新綠滿芳洲。

蒲帆擬汎九江船，還指齊州九點烟。  
燕樹吳雲如夢裏，空煩雙鯉寄吟牋。

雪泥鴻爪了無痕，消受爐香入夜溫。  
烟月揚州誰解得，憑君款語共清尊。

澹靄殘霞望不分，棟花風定水云云。  
也應寫入鵝溪絹，畱與他年作舊聞。

三汊河

芳草連漁步，輕帆漾客艫。  
斷橋新漲水，微雨白蓮花。  
野鳥飛還浴，鳴蟬靜又譁。  
茱萸瓜架外，幽絕兩三家。

孟城道中



日暮孟湖道迢迢翠竹深潮通三汊水雲作半溪陰呵殿驚  
山犬鳴笳起渚禽前邨風又緊雨氣滿烟林

寶應道中

鵲鴝聲聲急蒹葭處處連一燈邨店市雙槳夜漁船雷殷疑  
催雨雲深欲合烟清淮徐放溜憑眺最脩然

界首

珠湖三十六處處罨層雲鱗鱗綠沙泊琵琶隔屋聞蠶頭青  
嶂遠燕尾碧流分燭下盈樽酒飄零憶鷺羣

清口驛

鏡吹前舟泊郵亭候吏喧風沙開驛路燈火亂津門跋馬河  
流漲啼鴉暝色昏明晨辭水宿又欲上征轅

桃源書所見

如砥長堤是客程  
清和景物劇關情  
土牛稠疊防秋汛  
檐燕參差報午晴  
風外楊花閒自舞  
雨餘麥穗暖將成  
儀封已塞雲梯順  
祇聽居人說太平

宿遷關雨泊

分明飄泊似楊花  
飛遍山崖又水涯  
卻聽漁歌聲漸遠  
酒樓燈火奏琵琶

風吹篷背雨蕭蕭  
人靜關門夜寂寥  
炙冷燈殘渾不寐  
舵牙微響上春潮

峒晤道中遇雨

忽送滂沱雨  
雷聲碾碧空  
籃輿行不得  
候館與誰同  
蘭葉修修綠  
榴花故故紅  
偶攜新雀舌  
小啜更情融

李家莊早發

日出翠峻嶒遙峯指馬陵綠陰春雨潤紺塢野雲凝地勢通  
齊魯山形接費滕隔溪聞布穀二麥已將登

次沂水

沂水沿緣處蘇亭入望長山岡分古道風色接殘陽畧杳明  
流外邨烟綠樹旁壽春清德在尸祝定難忘

山雨曉淒淒垂楊夾路齊未愁泥滑澁最愛草萋迷柳渚鳬  
翁浴茅簷燕子栖沿洄良可樂古義取昌黎

昌黎論語說洛  
乎沂作沿乎沂

過穆陵關

山迴大峴亘高原齊楚分疆跡尚存今日關墟官舍塌夜來  
擊柝與誰論

喜阿侍郎

揚阿

至青州時同讞事

宿雨初收接畫輪東華舊侶更相親心旌懸處辭難定石闕

銜來意未伸慈惠何當酬 吳命誅求豈合累疲民欲知時  
勢多盤牙再與羣賢促膝論

刑部郎中覺羅君長  
林郎君若伊隨至

### 青州懷古

指點營印在馬前棟花風起授吟鞭雖無季荊畱遺址猶有  
蒲姑見往編地比關中分十二人同稷下聚三千昇平富庶  
今猶昔轂擊肩摩遍市塵

雉堞崔嵬對岱東當年賜履獨稱雄一匡玉帛諸侯長四塞  
河山大國風底事雕龍矜博辨好從乘馬紀前功經師最數  
青齊甚高密淵源萬古同

八仙

臺

九扈

山

氣崢嶸定霸餘威協大橫地合營平開遠畧

勢同晉楚擅強兵歸墟溟渤魚鹽富分野虛危象緯明河嶽  
鍾靈應似舊誰如管晏繼功名

日主成山萬象開瑯琊石刻紀秦臺卻憐徐市無仙骨更歎  
田橫失霸才形勝自來稱北海幅員曾記合東萊卽今市獄  
猶堪念黃老遺言未可裁

至壽光宿同年李子授

封

宅書以寄之

時子授方爲河庫道

燒尾同登宴同官十二年別來經一紀到此倍淒然池淺新  
荷小牆傾濕菌圓風塵俱老大何日是歸田

過新城訪王文簡公別墅感而有作

城西池北盡荒蕪使節經過一嘆吁光焰豈真同李杜風標  
端合繼歐蘇漁洋蠶尾風騷亞蜀棧秦關格調殊想見騎鯨  
遊汗漫何人酌酒問靈巫

濟南喜晤王進士

元啓

兼示盛孝廉秦川

廿載思前哲

甲戌余在濟南時值沈光祿子大爲濼源書院院長今君繼之

何由得替人衣

冠仍肅穆經義又紛綸論學聲華竝秦川亦主蒿城書院同鄉氣味親  
無因長接席客路媿風塵

自博平復 命南行

已復齊東 命還承江右行屬車塵漸遠戀 闕意常明素  
覺勞薪苦將紆步忺情南陔從此去護草正敷榮

韓莊

水陸盡三春鞍馬困馳騁茲來旬日間征途頗幽靚夏初峭  
寒除雨過塵塋屏柳陰遍沙溪麥浪覆村町農事待將興堤  
工尚未省肩輿雖登頓身動心還靜谷神本無營悠然睡復  
醒公牘絕往還長官稀造請前涂候吏迎云近淮南境笑指  
雲龍山雲開微見頂明發謝驪綱沿流上吳艇試聽鼓迴颿  
烟波快遙領

過昭陽湖三絕

長堤老柳作花飛  
人在湖船試袷衣  
夜雨平添三尺水  
釣師正喜鰕魚肥

湖山重疊淡於烟  
斜掩篷窗自在眠  
風外誰驚清夢斷  
數聲漁唱夕陽天

蘋絲蘆葉綠茸茸  
蟹斲鵝闌幾曲通  
未到故鄉先一笑  
分明清景似吳淞

召伯曉泊口號

舶趠風高解纜時  
村農相識又相疑  
一春三度湖中泊  
不是

官人是釣師

用漁洋句

趙北燕南至淞西  
又持使節赴青齊  
而今更欲經吳越  
再向鄱陽泝貴溪

經時愁水復愁風換盡舟車路未窮猶喜  
深恩重乞假更  
應上塚學龐公

過揚州風利不及泊寄汪韓懷諸君

擬過邗江廿四橋歌場詩社待招邀柔波如靛東風緊要挂  
輕帆趁暮潮

平山西望渺愁予草草斜行寄短書料得故人同一笑廿年  
塵俗未全除

京口二絕

月落村雞鳴風急沙鷗起偶聞粥鼓聲時出江雲裏  
竹林初日起甘露曉雲銷舟子催開纜西津正上潮

蘭陵書寄雲松諸友

遙望蘭陵驛斜通孟瀆湖村城連斷岸雲樹隱浮圖短箔登



登蘭新巢燕引雛可堪櫻笋節無路共招呼

舟過梁溪顧晴沙製竹爐相贈賦謝并示荔裳

扁舟下梁溪延訪同心友分襟已經年感歎互執手憶昔龍  
山遊名園共樽酒酒酣到聽松修篁蔭陵阜名僧及高人兩  
美俱不朽更開竹爐卷珍重踰瓊玖墨香入夢寐往往在心  
口今我適豫章溪山信清澗官齋聽事餘琴鶴亦何有賴君  
貺茲器清風起座右黃蔑外斜穿烏薪內虛受可試谷口泉  
豈惟煮陳醲不教饜婦攜常使銅童守覽物卽懷人荅湖更  
迴首

過桐溪橋有懷疎雨樓及蘋花水閣并懷企晉秦中  
一家羣從竝能文鬪酒談詩徹夜分池館已聞頻易主琴樽  
誰得更如君夕陽空映烏衣巷宿草難尋馬鬣墳回憶青瑤

並蕪沒只應灑涕望秦雲

自家起程途中所見偶成四絕

東風吹暖熟梅天  
攜得全家上畫船  
惆悵四峯青不了  
殷勤送我過湖田

纔過楓涇又練塘  
蘋花鋪水柳成行  
篙師更說西江好  
雲白山青似故鄉

西來鶯脰水如羅  
葉葉輕帆向晚過  
茅屋蘆灣圖畫裏  
秧歌聽罷又漁歌

桑柘陰陰夕照來  
殘雲角雨殷輕雷  
眠鷗忽起歸鴉落  
賺得慈顏一笑開

南湖

百里平江路  
鶯湖日影遲  
權分青箬葉  
帆冒綠楊絲  
芳草眠

鷗渚鼓蘆放鶴坡何人懷小隱高咏似天隨

勝景千秋在扁舟又暫停梵鐘傳古寺漁唱出前汀烟雨三

重閣雲霞六曲屏

鐵尚書香樹書製詩於烟雨樓屏上

御憑闌猶未已風順

報揚船

自桐鄉至石門

征輪越石門晚景澹澄霽殘霞隱東陲圓月出西溼麥秋雖  
餘寒篷窗未忍閉戍鼓靜頻聞漁燈懸猶細臘醅瀉微馨春  
茗潑新味雲露漸浩然遑惜灑襟袂遐思梧桐鄉近挹臙脂  
滙風景入平遠烟波益清麗官程詎可淹勝踐奚由遂點燭  
還解衣良遊付寤寐

過閘口換舟至富陽

三板江船繫柳梢溪山如畫望迢迢一肩行李輕於葉好趁

東風上暮潮

赤亭綠嶂露彎環謝監詩章見一斑豈料晚來雲似墨模劖  
多作米家山

桐江水漲碧如油長夏微涼似近秋野老錯疑漁釣客青蓑  
綠箬滿船頭

乍雨還晴鼓櫂遲輕衫側帽愛微颺閒中一覺華胥夢臥聽  
前山響畫眉

桐廬道中口號

溪迴山折響淙淙短棹長篙鬪急瀧誰識雲山韶濩曲灘聲  
永夜入篷窗

鶉鴝叫罷雨如麻已少鶯啼燕語譁不奈秭歸聲斷後一灣  
芳草亂鳴蛙

已無春網薦琴高石首江鱗亦足豪誰下西冷香雪酒枇杷  
盧橘共櫻桃

劇筭烘茶割蠟忙春蠶收繭麥登場田家樂事多幽絕更愛  
山礬十里香

大雨過七里瀧

久雨夜溟溟何由見客星風雷難勢壯松竹廟門扃漁釣傳  
嚴灘羊裘重漢廷桐君相望處何自薦芳馨  
更有西臺客滄桑感逝波采薇義士怨晞髮碩人薏朱鳥悲  
歌在紅羊浩劫過惟聞嗚咽水風雨激盤渦

嚴州

兩湖富溪山浙東更秀削我昔攬圖經夢遊悉其畧茲從西  
冷來頗欲試署腳豈期雨一旬千山送奔瀑逆流畏張帆入

淖藉挽索推篷尚未能何緣躡屐今晨近蘭溪蕭騷勢尤  
惡時於浪紋中往往捲茱萸始知百里外饑蛟中夜作雷電  
走村墟風濤汕城郭兩旁萬仞山紛流滙巨壑官行應稍休  
庶可免驚愕此時雲氣平峯嵐露窄粵詰朝定放晴衝波當  
漸弱聞言呼長年前灘始停泊

自玉山至進賢道中雜詩

懷玉山間路征輿午暫停蘭池三畝綠竹屋數椽青  
節候南來早生衣愛晚涼盈盈楊柳岸已覺稻花香  
我望鵝湖山不見鵝湖水何由逢故人蔣心餘鉛山人餘昕夕談名理  
如玦復如環清江可釣弋村店晚烟開人家在寒碧  
風月清游處長懷玉局翁石鐘不可聽空憶雨芙蓉  
雲淡山如黛風迴浪作花扁舟疎柳下且喫紫團茶

洵是神仙宅時看雲霧通更憐藐姑射常近上清宮  
彭蠡山無地鄱陽水接天與人貪厲揭不用木蘭船  
日暮長烟霏孤城聽笳鼓欲訪麻姑山仙壇在何所  
提籃青裙女攜鋤白足郎總輸雨後犢閒臥綠陰旁

貴溪

杳杳城河漲南風苦石尤更移黃篾舫小住白蘋洲新月弦  
初上殘雷礪未休時聞林外鳥投宿語鉤輈

百花洲

宛轉花洲路依然虎阜同酒樓青嶂外香市綠陰中書畫多  
爲貴笙簫聽不窮何當遊賞地稍紀昔賢風

謂宋牧仲先生

滕王閣

千秋高閣尚崔巍岸幘登臨四望開風月清談宜上客江湖

重鎮藉長才西山巒嶂當窗湧南浦帆檣傍檻迴更仰昌黎  
文雅健三王詞賦共昭同

署中卽事

蛛網蝸涎印碧苔百年老屋漸傾頽東榮牘有梅花在不及  
寒香冒雪開

池水彎環二畝餘迴廊曲檻儘觀魚春來葭莢綠坡上不見  
田田長綠蕖

珠蘭茉莉賤如蓬小閣香生午夜濃禪榻茶烟今已慣夢回  
誰覺鬢雲鬆

洞天福地竝崢嶸暇日登樓眼倍明想像新秋涼月夜仙人  
笙鶴在瑤清

望西山

族子次辰

陳梁

六十雙壽



我家遷潛溪屈指屆五世族姓雖未蕃文章頗能繼敢如元

長言七葉自誇恣卻笑韓符郎譎識金根字念汝雖羣從問

年長有二少小已恢奇天姿精且粹憶昔羈中年從師勤講

肄篝燈相因依蠹簡互排比摘文賄先成背諷關彊記賞奇

忽其欣得解輒更示阮家竹林遊南北誰軒輊余與次辰少同受業於蔡

松南先生授毫試有司歷塊矯雙騎一鳴人先驚三捷戰皆利藻

芹馨水香鼓鼓圓橋沸俱膺博士員竝使名卿器又同見知於張學使

恒臣廷璩余弟羅囊詎宜焚玉樹足取譬將搏北海翼忽擁

東山鼻亨衢良可占蜚遯亦堪企閒居述祖德國醫著靈筵

洞見垣一方遺書幸存笥先高祖及曾伯祖祕典迎靈蘭微

言發金匱九籥孚陰陽六元契天地奇咳手親鈔摭撫情獨

摯上自長桑君沿流暨聖惠顙顙扶豪茫斷斷別佐使藏府

解癥結蟻痕起重腿技寔與道通豈惟珍藥餌坐使神觀清  
容顏滋盎睥腰腳旣飛騰齒牙更堅緻扁鵲汎江湖昂藏露  
高致內有德曜賢中饋擅辦治琴瑟克相莊米鹽得無累偕  
老其六十熏風值炎熾酒旗耀天廚烏注扇鱗鱗食棗從安  
期採芝挹綺季著膝文度佳家法克承嗣籟雲雖埃時早具  
垂天勢入舍浣裙媵布席潔修隨愛日慶方長何緣羨貂珥  
嗟我蒲柳姿垂老逾顛顛衝寒皮肉皴冒瘴背肩痺功名齊  
雞肋身世眎蟲臂羨汝守門閭優閒天所畀爲我菟裘謀歸  
休獲塗墜余于己亥乞假歸葬修  
理故居皆次辰督理之默坐數前塵微茫宛夢寐  
當時研席朋零落等揚鰈癡叔尚非癡舊聞添多識從茲共  
槃談解帶寫胸次杜陵昔作歌嘅嘆衆賓醉文忠贈安節超  
然制老淚同姓古所敦同學矧同志一聞懸弧期欣感兩難

置長筵雖未預喻麋幸堪試持觴聽此歌清鏘儼繁吹

題渚紅小照

水仙風竹共梅花香閣清標自一家又怨春光嫌太澹畧教  
月季試鉛華

枯枝瘦石兩崢嶸綠綺將傳物外情一道寒流明似雪出山  
仍比在山清

嫩晴時節迴清虛獨伴園林水竹居不管蒼苔黏翠裊暗香  
深處讀仙書

蘇雲卿祠

老屋三間菜圃東苔龕粉壁仰高風山林有樂同徐穉鼎軸  
無成恥魏公花木當堦晴晷歷雲烟傍戶夜溟濛南州名士  
多於鰈安得如君似雪鴻

春融堂集卷十八

青浦王利德甫

杏花春雨書齋集

四乙巳

癸卯甲辰

就莊為座主陳文勤公別業感賦

今續修西湖志于此

憑欄徒倚日將斜  
蝨壁苔扉百感賒  
疎柳千行空蘸水  
殘梅

數樹偶餘花  
湖山一路詩人境  
竹樹

三朝宰相家

文簡公亦居此

搔首長安車  
殿地軟紅何處問  
提沙

予成進士謁文勤公于裘家街邸第今已易數

矣主

宿雨初晴同周秀才仲育

厚堦

家嶸谷

宜

月夜汎湖

以山高月小水落石出為韻分得石小二字

宿雨獲新晴如夢初破曉  
況此將盈月已上層巒  
表命侶汎重湖一舟凌浩渺  
樓臺翳雲林彷彿蓬萊島  
隔墟聞吠龍繞

樹驚宿鳥隱隱城柝傳星星寺鐘杳六橋寂無人葦外漁燈小

微風西南來輕浪響苔石夜靜風漸平波光湛重碧更喚壓

笛郎和此洞簫客詞解歌雲入煙靄溪山破岑寂初春臘微

寒小飲況清適夜闌興倍佳停舟理吟屐長堤踏月歸微霜

灑巾幘

被 旨授直隸按察使刻日北行崔幔亭龍見同書

局楊西和倫馬依墀緯雲趙晉齋魏張芑堂燕昌項

金門鼎汪書年家敦初朱映濬文藻李書田廣芸餞

行是夜大雨賦此畱別

少時頻踏孤山路去年曾寓西泠渡間將經術互評論更有

朋簪博歡趣卽今書局正新開涉險搜奇供撰著好語傳聞

出上方 詔持符節畿南去  
廢吏頻來催假裝舊游欲別  
還猶豫山林愛我亦含悽  
忽屬東風起煙霧勝地難爲十日  
留論心聊作三更住  
幔亭舊守復多情置酒長筵呼台醪不  
惜分攜意氣豪共商今古精神露會晤他時斷有期  
文章自立當無誤縱難接席共寒暄要寄長箋豁情懷  
琴鶴難言政便成雲龍莫負心相慕  
潺潺檐漏滴階除喔喔鳴雞出村樹  
衝泥滑澁越巖城回首吳山更沿汭

題振華上人畫像

盤陀獨憩證無生  
垢淨渾忘出世情  
差愛墨花禪屋裏  
兩行梧竹伴雙清

重開高閣領煙霞  
地近清溪曲曲斜  
試問綠陰高處望  
白鷗波外認漁家

精藍窈窕隔塵寰曾記名家共往還畱得當年粉本在都將

水墨寫雲山

昔諸石蕪士兩禪師以篆刻繪事爲時所稱名賢投贈書畫最多今皆藏弄無恙

不窮義學不參禪粥鼓茶鐘自在緣媿我又隨春鴈去何時  
重棧輟頭船

### 別故居

筋力衰慵合挂冠又承 異命五雲端桑麻將別還重戀松

菊猶存擬再看萬里功名曾汗漫百年堂構最辛酸

時年六十尚未

子更思牀上書連屋莫任蟲魚漸損殘

### 訪念亭上人於中峯話舊賦贈

瓶盞蕭然絕點塵卅年如夢與誰陳漉囊淨饌猶前日叢竹  
疎花及早春閒向芸蟬窮義學老將松鶴鬪精神獨愁斜照  
偏催別便過溪橋意未申

嶧縣道中

矮屋含餘溜微雲掩曙霞不因山向背誰識路橫斜  
林迴稀聞鳥村遙始見花家人應屈指春盡到京華

滋陽

古郡猶名堯清流本自滋村莊方雜沓車馬共逶迤  
細繭蠶家市香煤魯殿碑還誇膠出井土物最相宜

過荏平

南來清泗一支斜曲渚迴塘漾玉沙隔岸村莊如畫裏  
青帘綠柳間梨花

高唐鳴石遠重重春盡還生料峭風正喜微雲膚寸合不嫌  
細雨濕花驄

茶庵

時將赴陝



五年三過駐行車名是茶庵且喫茶最喜者番春色好麥芽  
齊綠菜初花

江北江南得得來正逢微雨浥輕埃禪門蕭寂真堪味澹白  
桃花數朶開

六十平頭鬢似絲生平蹤迹幾人知除非座上眞如像曾見  
恒河照影時

千秋臺傳是光武卽位處

史紀春陵迹城傳鄴邑名瑞符呈赤伏奕葉繼炎精定亂朝  
章復中興國勢更天窮黃室運人助綠林兵烽火除威斗雷  
霆走大槍輿圖收北地文物續西京日角垂靈遠雲臺列宿  
明未經凝象鼎先此會鳬旌卜雒基長奠當塗識又萌早聞  
宮闕圯終見蔓蕪平王氣虛千古山形尙五成重尋對鼃處

臣主信崢嶸

井陘關懷古

井陘關前朝駐馬危崖仄徑千峯下二十萬衆俱埃塵始識  
淮陰眞健者當時楚漢孰雌雄叶欲搗彭城又喪兵廣武榮  
陽雖百戰太公幾作一杯羹陳倉軍出三秦併東渡黃河聲  
勢勁背水交鋒赤幟馳安成君死河東定載拜還師李左車  
燕齊傳檄在斯須蒯通進說非無見流涕曾悲樂毅書河山  
北戒風煙掃烏騅夜失陰陵道千秋帝業五年成元功第一  
誰人造烏盡弓藏自古云淒涼鍾室族全淪何如曾受平成  
辱猶使弓高有孽孫

芹泉道中曉行

明星照繁叢宿鳥驚欲起披衣出驛亭清露尙瀰瀰老農叱

牛聲想當趁耘耔破牖耿明燈機織亦此始乃知民生勤作  
息合婦子我今在道塗豈容歎勞止況逢長夏初微寒更可  
喜舉鞭指前山新暉映林尾

過蒲州沈運使方穀

業富

出迎小飲

綠盈芳草快題襟足感天涯久別心旅館一樽重倚玉鎖闌  
兩枋共泥金

予與方穀鄉  
會試同年

門牆自別年華遠

座主夢文子先  
生下世已二十

餘年書劍誰憐疾病深

時黃仲則景  
仁臥病署中

猶幸關河真接壤莫教

魚鴈滯瑤音

潼關

鶉首星芒照九垓規模百二自秦開關山蒼莽爭天險文武  
飛騰出將才日暖旌旗橫戍邏雲連城堞抱烽臺登高立馬  
休悲弔看取三峯翠色來

渡河至華陰

昔年馳傳過雲臺此日乘槎擊楫來竹箭三門通浩蕩蓮花  
萬丈削崔嵬墜驢有地藏高隱闕蝨無人繼霸才又值河山  
形勢壯生平懷抱喜重開

驪山溫泉

繡嶺十月霜作花楓櫨萬樹開晴葩純坤用事蟲豸蟄奚繇  
變見金蝦蟆厥貌不恭異類出五行洪範言非差當時禁蘊  
互窈窕華清宮內疑仙家貴妃霓裳和簫管至尊羯鼓兼箏  
琶東來軋犖襪繡縹緲夜半笑語騰宮娃洗兒賞賜輒百萬解  
穢誰與懲淫哇吾今來近夏日至長空卓午飛金鷄苦無甘  
泉滌煩渴漫膚多汗黏絺紗卷衣入室槃薄羸快意背癢仙  
姑爬粉箱脂盞不待用已識癥結銷塵沙八功德池灌頂住

淨因彷彿同清嘉身輕浴罷脚不襪胡牀便踞呼茶瓜松陰  
涼氣亦漸動晞髮更覺吹鬢髭殿角風來飄躑躅山腰草偃  
奔麝麕紅羊一劫歷千古禍水何事頻咨嗟三峯遙望見玉  
女洗頭盆下紛殘霞

### 西安懷古

兩戒河山陸海尊凱旋曾憶駐行軒久稱秦塞封疆大誰念  
周京教化存州台雍梁通地軸度分井鬼近天垣聖經石刻  
欣無恙擬與羣賢細討論時企晉東有淵如  
稚存皆在西安

紫塞青門冠九垓桑陰麥浪值恢台雲高華嶽三峯出勢瞰  
中原二室開天馬蒲梢經瀚海石鯨鱗甲想蓬萊地靈應有  
英材出星象遙看接斗魁

漢寢唐陵盡廢邱空傳自古帝王州管絃猶記瑤池宴花鳥

誰尋杜曲游新築都城開萬雉宿屯禁旅衛千牛

時新修省城城中舊

駐滿兵三千名將軍都統領之莊嚴更仰金天廟玉女蒼龍太華畱

幽岐自昔接窮邊西夏西秦壤地連每見旌旗營細柳常虞

烽燧照甘泉車書今盡鈞冲地琛賁時來勃律天貫耳纏頭

看絡繹丞修驛傳達幽燕

按察使兼管通省驛傳

初秋臥病秋帆中丞特遣伶人來過賦二十韻爲謝

兼示企晉舍人東有侍讀友竹上舍

署中得雨秋將生繩牀臥疾方淒清鼠肝蟲臂不自惜尻輪  
神馬將何成簿書稍罷鳬鴈退隱囊惟聽莎雞鳴中丞憐我  
太寂寞故遣小部來逢迎清歌似髮雲欲墮空庭如水香微  
縈忽聞龍君奏破陣又疑雨脚齊吹笙十番絃索相間作圓  
簪白羽兼鏗轟我因風痺久不飲堅坐已使心神傾昨日百

雉工初程高牙置酒偕葱珩有壬有林總總集以詠以間洋洋盈匪徒長筵誇盛會要與河嶽雄函京嗟我病足未得往陳力竊祿方屏營掩關復聞繞梁韻豈免慚喜交相并往時秦雲稱擷英

曹來殷諸君有秦雲擷英錄二卷

左驥史炳馳芳名擷筍擊缶

今遍閱終愛吳語嬌春鶯琵琶每感遷客淚感栗或愴羈人情寧如紫雲迴一曲呻吟能使還和平良朋談笑有穆父

獻

之舊人感慨餘嘉榮躋躋句贅冒自棄白戰仍擬尋齊盟

友竹出所摹董北苑夏山欲雨文五峯夏山及吳漁山湖山秋曉三長卷屬題追感舊游率成長句

小秦淮水東門東燕城楊柳春溟濛一條畧約闌干紅佳話傳說漁洋翁德州逞者興頗同走召賓客登煙蓬人三十二以次從君年方壯揚清暉譚詩讀畫推昌丰我亦獻賦明

光宮將入京雒親宸楓同時意氣誇君宗流光電抹何忽  
忽浮萍兩葉碧解中廿載未得瑤華通仰視但愧南征鴻去  
年讀禮嗟尸饗忽辱芳訊來吳淞副以古隸莊而崇筆力似  
欲追斯邕相望百里虛相逢懷君第覺心忡忡今茲擁傳臨  
河潼衙齋晝靜聞音筵始獲掄袂開幽衷年逾七十顏如童  
腰脚壯健超疲慵豈有異術傳韓終示我長卷溪山重云摹  
北苑暨五峯別仿墨井尤能工夏山煙靄驅豐靈浮雲潑墨  
興蛟龍石燕千點迴長風山木盡亞青芙蓉一圖當暑清陰  
濃飛橋橫巨眼睛虹山人憇帳依簾櫳喜見畸客拖枯筇一  
圖林屋紛瓏璚樓閣詰屈穿幽叢山開湖出溪所鍾蘆人慨  
影張彎弓想當槃礴殊雕蟲真宰入腕搜元功一一神似非  
形容實有山水蟠心胷君家鄧尉煙霞封梅花萬樹參杉松



東湖西崦鮭菜充斯圖母乃規其蹤嗟我霜鬢雙蓬鬆久淹  
絕微呼傳烽雪嶺四面環高壙山川險怪爭寵狹詎若對此  
心神融獨憐君亦隨飛蓬奔走齊晉裴蒙戎石隱尙未儕山  
農空抱妙墨娛羈棕此間形勝兩戒雄蓮花萬仞摩蒼穹太  
華夜碧聞清鐘明星玉女光熊熊古來高逸此息躬寧必歛  
乃稱吳儂舊游況已宿草豐竹西鼓吹秋煙空三人幸聚等  
駟蛩丁丑雅雨運使修禊紅橋同會者今惟君與東有及予三人尙在而皆在西安尤可異也裙屐來往  
樂未窮南樓更可陪庾公相於游藝連春冬

卽事

吏散重門掩幽禽下短牆茶餘仍隱几夢醒更焚香山雨蕭  
蕭過秋風澹澹涼閒真因病得此味迴難忘

企晉尋和前韻歷敘舊游循誦愴然復次一章並寄

崑南布衣吳下來殷侍講都中

少年吟苦太瘦生作詩長似秋蟲清偏絃么韻誰復愛君獨  
見賞時目成井蛙敢隨鯨鱗涌牛鐸竟和韶謦鳴璜川書屋  
深且靚往往倒屣勞相迎銅盤水寒朱果汎蘄簾冰淨紋簾  
縈沙斗初張崑南及曹殷趙升並餘子諧謔間作調箎笙忽思  
寒山便放權要看千尺奔霆轟歸來小查山閣坐痛飲不惜  
金罍傾爾時催詩刻燭程衆作錯落堆瓊珩相期佳會永朝  
夕指似明月無虧盈人生捉鼻難自料薄宦取次游 神京  
雄飛雌伏互星散我更四面隨行營流光如電近卅載舊游  
異地仍交并君今絳帳羅千英鵝湖鹿洞將齊名翹羽雕謝  
巢閣鳳出林坐振遷喬鸞企晉爲縣中書院山長時將鄉試故云所嗟故交已  
宿草謂斗初策時升之名園蕪沒空餘情公超賣樂喜豐饒叔通把

筆當隆平自憐蒲柳漸衰落蓬科豈復還春榮感君賡和寄  
南北江湖幸勿忘前盟

哭黃仲則六十六韻

黃生冠古才詩筆無與兩颺起南蘭陵文史備醞釀春容步  
前修峭刻出新樣思能通無厚意必矜獨叔睢渙織綺麗裨  
瀛激雄放黃雞忽變雉黑黍乃和鬯英英百夫特矯矯萬人  
將挾策來京華擬侍瑤階仗碎琴不見知鼓瑟竟何向頗  
爲狹斜游微吟寄惆悵堂堂朱笥河經義實硜伉君也出其  
門愛君似珍貺連鑣肆幽尋置酒共跌蕩暨我從戎歸君來  
依絳帳每謂王與朱南北兩哲匠生平所服膺喜得並瞻仰  
時偕車笠朋並坐書畫舫刻燭夜常分扣門日相訪圖書嚴  
討論稗野供謔浪辛苦攜家來母氏幸無恙歆傾屋三間冷

落火一坑循陔乏鄉膏類首愧益益鮑叔金未分胡奴米誰

餉口疑石闕銜心作愁旌漾用此出入憂有淚滴衣桁求爲

寫書官鉛槧事裝潢庶幾備常員升斗亦祿養自我歸江南

別夢屢懣恨今茲叱馭來黃圖踐督亢知君先適秦征途歷

亭障幸逢東道賢謂秋帆中丞賓朋互駘宕星文井鬼懸意

氣雲霄上時時邀吳舍人晉嚴東有飛牋戛高唱兼羸陸賈裝

幸免黔婁狀回車出河東中條度層嶂狐突雪纔消龍門春

欲漲觀察亦清流謂方穀廚顧差足况登樓盍幫屐設醴具

脯醬洵堪豁羈孤豈復病悵悵昨開方穀書失聲慟予喪瑣

瑣竟取災微病誰屬續想當易簣時陰風襲襲魍魎神明了不

昏八口計誰傍知心三四人周卹端可望仲則病劇時倩人

及中丞雅含涕屬代書紙墨鬱悽愴聞君櫓已歸何地卜殯

存三人

葬獨念我黨中吳知州景孝廉最貞諒錢編修陳太守汪上

經大楊進士倫明府徐秀才左右分二廣惟君摻螯弧文壇擅

決盪拱壁孰能先王卮喜有當傳烽燭蠻雲吳君薤嵐瘴繼

聞景君歿山鬼泣幽壙君今又奄然營魄赴蓬閭枕膝與傳

經曷使我軍張計君詞章外溫恭具雅量樂羣德不孤砥俗

志相抗風標謝幼興簡寂阮思曠藝事更多能倚聲奏清暢

銅章彝敦古畫燈煙雲颺君工八分極古一朝歸山邱誰愛

等寶藏惟此數卷詩視古無所讓中丞已網羅珠璣幾頡頏

逝將授雕鐫寧至慮冗長斯文既可定傳世斷非妄風霆劃

雷礪河嶽發悲壯披髮乘麒麟千古足神王

六十初度

六十平頭雪滿鬚西來暫得息馳驅歸心却羨投林鳥去日

愁同過隙駒經誼鉤稽終未貫詩篇稠疊尙嫌麤文通老去  
才華退撰錄時虞歲易徂

附作

光岳騰精氣奎文協斗躔泰符呈景運輔世仰名賢

秋豐

玉推鴻寶靈椿紀大年鳳麟華胄遠峯泖隱居沿

企鳳學

天人貫含章德藝全幽思吞卦畫妙解證蹄筌

東瑾璨文

成錦崢嶸筆似椽董帷耽寂寂邊笥號便便

秋早折郝詵

桂先驅祖逸輟豹文終炳蔚鳳藻必騰鸞

企鸞輅臨江

介仁膏被海壖四巡亭伯頌三禮杜陵篇

東班馬誰堪

埒楊盧譽敢先詩題紅藥署職奉紫薇天

秋簪筆揮珠玉

持衡掇杞梗丰神欽仲寶幹局重僧虔

企公望眞隆矣卿

才信美旃由來梁棟具不慮雪霜纏

東駱馬纔驚越蠻烽

欲照滇弄兵連响叮負固集囊挺

秋

慷慨從軍去艱難出

塞偏金沙波浩瀚鐵壁路回邇

企

伐叛舒長策招攜握勝

權傳書強陸賈鑿空陋張騫

東

傲外鴟音草天邊虎旅旋

白狼充職貢朱鷺奏喧闐

秋

武庫將韜甲威弧未戢弦連

營趨玉壘振旆指金川

企

箐密千林暗礪危萬仞懸飛橦

尋木杪度索挂峯巔

東

風鶴殊多警沙蟲劇可憐援梓勞

上相贊畫賴中堅

秋

吹律和風應攻車吉日涓賈生工餌

敵衛國善籌邊

企

帷幄謀千里機鈴必九淵繩橋馳露布

雪嶺耀霜鋌

東

偃鼓驚三覆鳴鉦駭兩甄纔看驅虎兕倏

已靖氛祇

秋

款塞輸寶馬歌風徧芋田燕然銘可勒邠閩

頌宜鐫

企

絳闕頒新詔彤墀繞瑞煙承恩龍節迓

拜

企

命鵲冠鮮

東

棘寺平反數槐堂歲月延樞庭辭儔直

方岳寄旬宣

秋批禮意隆

三接光榮沐九遷雲山豫章郡

琴鶴使君船

金批

滕閣延清賞匡廬對瀑泉聲華馳赤棒況

味守青瓊

東有

暫許松筠返俄聞

綸綽傳河潼開旭日沂

渭駐雲駢

秋批

牙節霜威肅烏臺月彩圓香山仍學道摩詰

愛逃禪

金批

籬菊寒逾秀巖松翠更妍

東有

憶從龍榜後相契

鳳池前人海嗟寥闊官曹喜接聯

秋批

江湖來素侶車笠

訂前緣

金批

共理懷人篋欣逢初度遶岸容花爛漫庭影鶴

翩躚

東有

八水青霞映三峯紫氣連紅包商嶺橘碧綻岳池

蓮

秋批

織女初迴馭洪崖正拍肩謝庭春樹曉荀幄午香煎

晉

金批

卽事真蓬閣他年友偃佺琅璈聽競響介祉頌綿綿

東有

蘇文忠公生日秋帆中丞招企晉東有友竹雅存

亮

吉

淵如敦初家半庵

開沃

程彝齋

集終南仙館作



我峴江灌神靈宅不用家風標萬石攬揆曾聞箕斗夕幸見  
高齋集嘉客松生岳降當靈辰遺容一幀神明存松雪下筆  
煙雲騰孤筇笠屐傳吟魂棱棱眉宇韓歐似自說生平窮不  
死今日爲公作燕喜屈指生年由丙子獻罪更憶熙豐時僉  
王攜拾烏臺詩黎風蜚雨了不知新說尙欲懲荆尸後逢元  
祐重清朗更三大赦金雞放北還急趁江南槩在宥何爲功  
竟喪玉棺雖束長帽翁西方不無宿命通豈獨著述垂吟簡  
後死悲憤徒填膺我昔過公櫟舟所蘭陵竹樹今猶古又過  
西湖風以雨不獲從游如仲甫茲來長安近廿旬具稔遺愛  
畱秦人夢游陝右洵夙因蘋蘩良足差蒿蓀兼以東湖山水  
秀名區到處畱遺構披髮騎麟來往舊視此黎昨神所佑中  
丞爲政公同儕綿津私淑何有哉滄浪石萍浮塵埃靈旗應

傍終南來風馬雲車如可囑覓須一語陳工祝豈特文章散  
珠玉要使廉頑刮凡俗主賓競奏鶴南飛間以竽笙並玉樹  
十行椽燭排簾幃自今歲歲來無違釣魚鄉遠蘊仙骨紗縠  
行蕪亦奄忽獨有奎光長不沒仰視松梢山吐月

題秦中允端崖潮縫衣圖

游子身上衣慈母手中綫我吟有窮詩老淚恒欲泣今觀此  
圖中喬柯互蔥蒨軒窗豁開拓鞍馬鬬光絢似束短後衣遠  
游出郊甸斷機憶前修牽衣惜畱盼堂前白髮人行裝手縫  
綻一針一縷絲一絲一心願所願換征衫補袞近霄漢蘸筆  
寫丹青慈懷宛如見嗟我少失怙金篦賴深眷不虞隨輕車  
萬里事傳箭南渡瀾滄江瘴雲漲炎曠西踰斑斕山雪嶺逼  
雲棧皮船瀉奔流鐵索亘斷岸礮石每旬轟烽燧肆凌亂維

時跋白雲親舍隔京縣數椽壓風雪一燈守炊爨懸知念愼  
旃猶來發悲歎癩思不可寫灑涕溢几案羨君少華無盛歲  
已從宦詞章元圃光名譽瀛洲選彩服羅青春籍甚三英粲  
偶然出國門使星炳霞煥皇華閭里榮英蕩路人羨歸來  
奉北堂淳母佐蘭膳奚爲仿南田歡欣雜悽惋具見不匱思  
曾閱本同貫雖當畫錦榮彌塵春暉戀畫荻垂芳型授經記  
史傳何如播此畫以爲絕裾勸庶媿老萊圖用俟淵明讚

慈恩寺

雕欄碧瓦出晴空歲久猶存勝槩雄百二關山標鴈塔三千  
世界衛龍宮曲江杏苑平蕪外漢寢唐陵指顧中考古獨尋  
雙聖教殘碑磊嶺暈青紅

盛京慶將軍桂以御賜東巡詩篇見示敬和四章

兼寄晴村都統於黑龍江

出鎮旌幢肅時巡 輦輅隨韋平三世業豐錦萬年規潘水

通遼海開原接地陲承先兼侍養時太夫人久塵九重思

赫奕雲章麗便蕃綺帛隨陪都驚寵賚相府繼前規地望

三霄路勲名萬里陲沙堤看載築 祕殿待論思

憶昔趨朝日頻年荷橐隨予同直軍機凡六載通家承款洽予試文端

公讀在事藉箴規關陝通西極幽并踰北陲欣聞眠食好翹

足慰相思時公疾初愈

迢遞秦淮路名園昔號隨詩章畱小謝風月憶元規驛路懸

三衛朋交隔四陲報知驃騎道第五更懷思謂晴村

寄壻嚴瑞唐榮

九峯如畫隔淞南珠樹雙棲意更湛人物過江推衛玠風流

絕世想劉惔香囊玉塵隨時備錦贖牙籤盡日探應向青綾  
同詠絮好憑歸鴈寄雲藍

得門人白侍講麟書賦答

雅尚辭榮早翛然學道初正憐三歲別忽得十行書玉笋門  
生眾君戊戌同考錢塘蔡小厓廷衡吳式如敬元和馮實庵培皆出門下金蓮故事疎河潼春  
水活數望寄雙魚

寄蓉裳伏羌時有被圍之信

軍烽動地羽書馳斗大孤城隻手支仗劒登埤詞慷慨燒燈  
磨盾墨淋漓時以八百里文書告急傳餐盡斥中人產捲甲誰搴大將  
旗搔首不堪頻望遠天狼芒角射南陲

白崖山勢關崔巍殺氣昏昏掩翠微共有風聲傳兩路時長武亦  
有賊從平涼趨西安之信獨看月暈憶重圍耿恭拜井心猶壯羊侃憑城

事恐非何日鯨鯢俱就戮  
蒼湖無恙問漁磯

聞程魚門抵西安卻寄

官齋聞已卸行滕  
長路關心問寢興  
空向湖山瞻紫氣  
何繇

風雨共青燈  
學當老去文章健

昨以所刻散體文見示

身在行間意氣

增余時在長武治兵

寄語歸時笳鼓競  
硬盤詩句力猶能

邠州道中

降原陟嶽度崢嶸  
人在幽風畫裏行  
遠向流泉覘地脈  
親從陶穴問民生  
三單軍制今誰考  
七月詩章好再賡  
一路棗花香不斷  
莎雞應候已先鳴

邠州謁范文正公祠

拜手階前淚暗滋  
蝸涎鼠迹滿空祠  
權門豈肯隨文靖  
清德終懷頌伯夷  
千古傷心朋黨論  
一時破膽敵人知  
秦川吳苑

遺徽在兩地馨香百世師

泰峪道中夜行

過雨仍飄雨先秋已作秋  
障泥寧足惜說輟劇堪憂  
灘漲聲方厲雷殘隱未收  
宵征渾不寐白盡老夫頭

靈臺何氏書齋小憩

何氏園林好何緣此日過  
對城開粉堞卜宅傍巖阿  
映坐簾櫳靜垂簷棗栗多  
千秋靈沼地風物尙熙和

天堂鎮雨後

屬麟游

驛路新開傍巨川  
天堂鎮本非驛路余時駐長武與隴州戍守諸處文報往來應從鳳翔岐山扶風武功乾州遞送殊多紆滯訪知長武以南由獨店天堂鎮寶峪山傍汧水而行至鳳翔止二百里程途甚近故於此別設驛站夫馬於是路程關風伏雨赴戎旆石城已報長圍合隴坂既近信息易通矣  
猶煩列戍懸投筆悔同班  
定遠據鞍取效馬文淵征途卽目

差堪喜多稼如雲滿大田

時回賊據石峯堡卽明史所云石城大兵正在圍攻

### 汧陽道中

團團雲猶族沈沈震遂泥盤渦驚瘦馬斷嶺出殘霓落實桃  
梨熟垂芒黍稷齊導汧懷往迹浩蕩下岐西

### 旅夜寄渚紅

短燭熒熒照綺疏明河左界夜涼初雕櫳不見紅鸚鵡只盼  
征夫數寄書

短衣長鋏歎飄零吳嶽愁看數點青聽遍隴頭嗚咽水不堪

重過碧寒亭

亭在州西北七十里故關上

### 隴州夜宿

時聞山西總兵福敏泰領兵至予爲指示要隘駐劄之所

隴頭流水聲嗚咽自古征人心欲折我今到此值清秋風塵  
奔走頭如雪茲山山勢來秦關終南惇物相鉤連懸流飛瀑



互噴薄霜前月下恒潺湲况復征鴻正南下雜以哀猿清嘯  
者夜半西風捲地來羈人清淚如鉛瀉長吟驛外正傳烽授  
子安營屬總戎旅店寒燈終不寐短衣匹馬事難窮明晨更  
訴寒流去且與徵兵分駐所總將敵愾激驍貅不教家信傳  
鸚鵡

鳳翔東湖謁蘇文忠公祠三首

關中地高寒山多藪澤少江河兩界外八水自縈繞曲江與  
漢陂到今亦枯槁鳳翔有東湖澄波乃縹緲漠漠散鳬鷺云  
沍漾蘋藻征鞍此稍休涼風破煩惱正欲解塵襟沿緣汴林  
沼幸有同心人具舟及清曉

謂鄧子燕  
原傳安

登艫已蕭瑟抵岸尤幽妍垂楊翳溪步未到鳴秋蟬入門仰  
龕燈玉貌真如仙古來清妙人例與水月緣杭穎尙未到宦

游占

去聲

其先八窗亦半啟荷香入爐煙

憶公簽判時行年二十七欬吐落珠璣風標映雲日殷勤憫  
農心早已著詩筆夜深望河漢甘霖詎能必況今蟣蝨徒搔  
爬猶未訖伏羌常被圍石堡待掃穴六月正悽悽何由免顧  
越知公白雲鄉下視定憂恤

### 東湖夜宿

漠漠菰蒲積紛紛荇藻橫端能通酒觴洵可濯塵纓月暗聞  
魚響燈移覺鳥驚如珠秋露重頻使翠盤傾

### 吳嶽

華山西嶽垂虞典周禮職方推吳

去聲

嶽古來畿甸互西東望

祭名山亦遷轉豐鎬已距長安遙鳳翔更與河潼遠岍山作  
鎮奉明禋漢唐視此良非舛我今擁傳過汧蒲九峯蒼翠空

中顯疊嶂層巒洞壑深興雲降雨蛟螭偃灑埽時看長吏臨  
 纒黃每望名卿遣豈惟稔黍及秋豐並知癘疫羣生免嗟我  
 無由盡潔蠲望中晴已輸情款西陲蟻賊正恇懷伏羌龍德  
 鄰烽燹昨聞尺一下重霄元臣宿衛來京輦雖知韜畧有  
 多方還藉神靈能速翦汗流石馬荷成勲直刻餘氛如菟獮  
 更頒錢幣飾官廷金碧輝煌昭禁扁時廟宇亦稍頽圯

七夕再過許明府古芸光基永壽衙齋

高齋從此憩塵纓筆格書牀分外清賴有杯盤酬令節何堪  
 風雨話行程予從隴州往長武經此香浮玉盃花仍麗是夕以茉莉雲  
 掩銀河月未晴桑下只愁三宿戀時予已三伴人燈火況多  
 情次駐此

將回省留別長武諸生

半載防邊羽檄煩幸無力役病黎元地因塞近風猶古雲爲  
秋深日易昏黍稷年豐肥鴈鷺桑麻人樂靜雞豚只愁士少  
詩書氣學業何出得共論予至長武恐所帶書手驛撥地方  
故令校官選生員數人以供書寫  
計五月中所書至二千餘牘令將回省使各歸家因令縣  
樊君與校官修葺學官且作碑文以記之而情尤倦倦也

### 窑

陶復陶詩詠邊隅制尙存寬能容輿竈堅不礙耕屯石屋仙  
人洞柴扉野老村秋寒來信宿臥炕已微溫

### 回署

綠陰如幄赴鵝鴈歸及涼風下碧梧却值清尊酬令節月華  
如水露如珠

鸚哥催喚遠歸人雪棗冰梨次第陳風起不教簾幕下微香  
已覺桂花新

奎將軍

林

總統伊犁道出西安畱飲賦別三首

勃律河西幕府雄此心如日氣如虹不嫌萬里流沙遠早歲  
天山已挂弓

單急輕裝付使車悲歌慷慨有誰如  
竭來愛與公榮飲酒墨淋漓蘸髮書

金盆月落暗長亭豪竹哀絲亦漸停  
誰伴陽關西去路戲持玉琰問秦青

附來詩

乙巳春過西安後寄蘭泉廉使

奎林

倦客看春尙有情嫩紅柔綠眼仍驚  
風流地主緣何事不折楊枝贈遠行

題洪雅存寒榮永慕圖

洪君獨行伴曾閱高節稜稜絕畦畛  
示我寒榮永慕圖秋霜

入紙生淒緊雲谿谿畔樓五楹紙窗木榻風冷冷四壁寥蕭  
隱機杼一燈黯淡方呬嚶每宵喚起三更後魯論載記皆親  
授隔江驚醒捕漁翁太息商聲出林藪敗門荒塹依茅蓬簋  
勞晚翠櫛櫛紅紉車側畔書一弓此景與我孩時同禮堂先  
太夫人序云回憶三紀以前坐紉車側畔課兒讀書一燈熒  
熒然與呬嚶聲相間宛然如昨日事而榮梓頓殊信爲善之  
報也我今遲暮嗟無用空負當年勤課誦引經比事竟何能  
青綾彤管增悲慟如君鵬鷺迴風塵抱犢亡羊遯興墳三倉  
風雨搜遺簡兩戒河山辨廣輪慈烏返哺雖難遂豈羨高檠  
照珠翠棘下淹中望古情韋編鐵籙思親淚范冉清修照古  
今注丹學行冠儒林肯將紉紫拖金意爲報春暉寸草心

送李侍御藝圃

芳還蜀

顛顛今如此相攜不忍看孤高常自命辛苦有誰寬鐵柱聲

名重麻衣道路寒一緘傳我弟謂南明鄭重給豬肝

蘇文忠公生日再集終南仙館作

戒期不俟卜筮簪裙展偕來小雪天辰已久空先哲夢庚寅

猶記逐臣年千秋翰墨傳遺像像係趙承旨臨波亭筆兩部絲簧薦廣

筵已約高齋常此會騎驎披髮定欣然

集廉讓堂送吳企晉之開封聯句五十二韻

皞帝矩已移德南炎官傘未斂巾拭汗牀牀江寧黃之純星巖簷塵

冉冉端宜避炎歊鎮洋王開沃牛庵奚事歷嶮嶮下榻方見招嘉定汪照

少承佳豈容忝分張香良朋仁和趙魏晉齋話別刻清簞嘉肴醇

脩歙縣程珍果雜瓢瓢殷殷起在陽懷寧余鵬飛伯扶妻妻興有淦

涼颼忽偃林吳江史善長誦芬殘旭薄垂嶢浮蟻情可欣婁縣楊之

歌驪意終慊念君脫簪紳來此理鉛槧建祀溯獲雞德甫從狩

論載檢所鼓擁臯比星宵膏考齋檢經傳徐子公半庵業授奚

容藏講堂秣森森少吟院華燄燄諸生懷鹿鳴晉邦伯慶鴻

漸命意嘯孤寒齊危詞惕誠檢唱諧協刁調伯笑劇破夢麗

春游襪共牽誦宵燕笛齊壓藉非舊雨邀簪官使征塵玷往

迹溯遨游前期竟荏苒川拓軒櫺德查閣架巖广堆槃剝

雞頭星燒蠟擘蟹曆時經陰更晴半庵山愛重還掩王鳳錢

曉徵良所敦少張策時趙升之誰能貶譚執刮婢娶晉審音

別厚弁嘉會詎可常齊知交實因淡廿年久睽孤伯三輔復

喁噉自憐齒久衰誦兼邁疾頻染憧憧憂患增星悅悅精神

歎浮萍嗟兩葉飛電驚一閃聞將去咸秦德從茲歷河陝中

州應權衡星古俗具規範瀝澗水如環半嶠兩峯似隙晴靄

翳村墟少濃陰糝桑壓和會昔所交晉歲取近稍儉浩浩黃



流翻齊冥冥赤埃颶間閭稀籬簪伯猷畝鮮耕殺食幾漉鳧

苾芬野僅贖蔓蘇溫詔下便蕃山仁波寫灩澦洵

慰望殷殷甫疇云德謙謙挑淤土旋疏巖作埽木齊斬蛟鼉

馴奔騰庵鴈驚絕慘澹鄭人愛罕虎少晉地頌欒鸞雲龍復

相隨齊魚水良非諂名流嚴東侍讀邵二雲親齊羣雅孫明經

洪稚存廉嬋選勝更躋攀伯猷琢詞付鐫鑿贈策已惘惶誦分襟

莫悽惻嚴關四扇闕山喬嶽千尋儼据梧葉未落種植穗初

漸纍纍負箱笈奕奕駕驛驪行殊隗適燕訪等戴居剡摻袂

圓月生長庚吐暎甫

鴈足鐙盤下刻云建昭三年考工工輔為內者造銅

土右丞宮令相省中宮內者弟五故家眉旁刻云今

陽平家畫一至三陽朔元年賜足下刻云後大廚共

六十一字

鴈足鐙一形模奇槃徑三寸高倍之厥底暨側鐫文辭曰漢  
建昭三年遺省中考工工輔爲右丞官令職所治嗇夫護建  
咸其司博福光相名次垂迄陽朔歲星十朞陽平繼封菁土  
貽後廚祕置嚴屏幃長安好時同遺規三斤八兩區豪釐勒  
字母乃鑱金錐年深世遠罕缺虧蠟茶之色兼瓜皮名類食  
器實則違大羹非可調芳滋想當禁籞鼉更遲宦官謁者相  
提攜燃以朱火沃以脂金釭銜壁明彤闥酣歌恒舞于蛾眉  
擁髻詎照長門悲渭陵多藝幾文思洞簫琴瑟工娛嬉掖庭  
待詔歸荒陲新室文母本翠嬀絳緣諸子意稍怡丙殿甲觀  
森透迤畫堂幸毓天人姿外家恩澤數不貲十侯五將雄宗  
支將軍司馬尤崔巍當時賜出羣愕貽黃霧四塞遮炎曦豈  
顧星弗昭乾維稽古治氏精鑪錘攻金尙象倅工倕聑諸鳥

獸靡弗宜殿名鳳皇繪參差觀號鳩鵲圖屢屢虎圈鹿館兼

龍池飛廉屬玉縈翠恩茲仿陽鳥凌秋颺乃寫一足如靈夔

雪爪宛作鱗之而蹊屬相著愁翻飛獨渺翁雜見漢書增光

輝當年雕刻誠何其射鴻臺燼蕪餘基或畱蹤迹存依稀或

因屬國老牧牴端藉帛書讐蠻夷抑時水患方渺瀰取象中

澤多瘡痍昔賢寓意深然疑上林榮官恐已隳首山蒲阪渺

莫追甘泉林華見亦希今幸獲此珍珣琪往客紅橋歲指寅

玲瓏山館花酌醅賓從動色來掄據定寄一盃熒熒暉樊榭

傑句人交推痛飲竟倒千畱犁廿年如夢欣重持生平嗜古

懷軒羲王子飮鼎高奴鼎伯彥頰盤季姬匣木父已占單從

彝寶餐花廳蟬紋卮法物淪落艱尋窺西京古製良足私書

法矧復參高斯六十一字陳珠璣似篆似隸盤蛟螭斑斑古

質無邪。敬李菊丁。緩何能幾。望古遙集。生嗟咨九篇墨。潘爭  
淋漓。振三。星巖少山。晉齋。誦芬。竹山。伯扶。金夢齋。升淵。先有作。繼聲援筆。成此詞一物。差  
可覘興衰。龍聲紫色。火德移寧。憶朱鴈登歌時。

同作

并序

大興

翁方綱

振三

述庵先生以所得漢銅鴈足鐙款拓本見寄。其文  
曰建昭三年考工工輔爲內者造銅鴈足鐙重三  
斤八兩。護建佐博。裔夫福。掾光主右丞。官令相省  
中宮內者弟五。故家又云後大尉又云今陽平家  
畫一至三陽朔元年賜愚。按此鐙與揚州馬半槎  
所藏形式相埒。而徑圍稍弱半槎所藏者予嘗見  
其拓本中間云重三斤十二兩以今所見此文三  
斤八兩正足驗漢代權量相去不遠而厲樊榭詩

注乃云四斤十二兩則太懸絕矣末云護士卒中  
不禁省此七字爲句其下又云某宮內者第廿五  
正與此鐙中宮內者第五之文相應而樊榭誤以  
某宮句與前一行連讀遂訛省爲首又誤牽薛尚  
功鐘鼎款識所載蒲阪首山宮鐙之文不知彼自  
在永始四年與此無涉也蓋半槎所藏者銅質半  
蝕其文難辨遂致省訛爲首卒訛爲衣耳考漢孝  
成鼎云守令史永省又大官盧云主太僕監掾蒼  
省又綏和盧云主守右丞同守令寶省蓋省乃稽  
察之義猶漢碑云察書也今是鐙字字完好且造  
於建昭賜於陽朔一器中有西漢字二段尤可寶  
也爰作歌系於後

屬徵君詩內者銘我見拓文未見鐙君今爲拓鐙款寄使  
我矧誤心忤忤甘泉泰時修故事河東后土屢薦馨初元  
以後閒歲舉不獨涓選更匡衡誰繼傳會首山祀荆山之  
鼎朝萬靈賈慶造鐙在永始不合牽引來竟寧昔屢疑之  
未敢質得此款記尤可憑其槃規旋徑稍弱漢權漢尺原  
相乘底曰建昭側陽朔故家畫一於陽平前鐫後識歲一  
紀八分小篆絲迴縈歐公恨少西漢字今乃一器雙妙并  
陽朔之題更圓勁元尙急就篇初增半槎所藏字半蝕幾  
被亥豕紛訛承孰如此鐙底瑩澤燦若列宿捫生稜劉敞  
裴煜不可作林華蓮勺誰能評我詩不憚靜樊榭君藏庶  
可追廬陵

吳鑑南蘇門聽泉圖寓開封所作距殉節時已十四

年矣感題二律

水邊林下舊丰儀，末劫偏逢蜀道危。  
寧朔參軍亡尉靜，征西長史痛楊怡。  
礮雲墮地空呼戰，雪嶺連天失裹屍。  
烈士詞人君並擅，展圖風骨尙瑰奇。

中郎久逝典型存，覆醢餘悲忍再論。  
故里何繇歸鑑水，高情應尙戀蘇門。  
三巴望斷雲中戍，五夜思傾雪後樽。  
君在京師夜夜過余邸舍論詩雖在雪時不輟差喜褒忠恩澤厚。  
時其子方以廕補縣令入都好憑詞翰與招魂。

題蔣同知紹初

業晉

開逕圖卽送其歸吳下

杜陵開逕昔所聞，近有繡谷傳清芬。  
憶我少時過君舍，招邀褻履窮皇墳。  
夙夢依稀三十載，君亦短衣淹絕筆。  
長安相見山斯圖，拭目前游仍宛在。  
簞簪滿逕風蕭森，甘蕉葉葉生涼

陰小亭翼然倚石角君也獨立凝清吟交翠書堂如可見蘇

齋只向西廊轉梧巢隱約直其南惜少方池水清淺當時賓

從屈指掄虞山王侍御長洲沈尚書齒德純沈冠定沙斗

張策時吳企盛青巖鄭迂王鳳錢曉曹來趙升朱適徐作陳魁

君家哲弟枚升年尤少玉樹瓊枝擅風調邀客常開雪後樽尋

山每放花間棹至今駒隙送雙丸宿草停雲弔淚闌唯君絕

域生歸後意氣猶能示據鞍杏花春雨齋中酒如雲喜見談

天口我愧年來困簿書鬢絲作雪悲蒲柳指日抽簪計已成

乞恩當復返柴荆好先寄語彭允汪大沈桐重向圖

中續舊盟

### 送淵如後有寄

南樓樽酒最清嘉憶與興公手共叉滿笈圖書常作客半蓬



雨雪獨還家游仙句曲窮幽勝聞笛山陽轉歎嗟謂黃應向仲則  
江湖頻望遠河潼百丈聳蓮華

蘇文忠公生日招同人集廉讓堂卽事四首

又見簪裾集重瞻笠屐眞絳人留甲子楚客記庚寅磨蝎名  
偏重騎驎迹未湮東湖相望近還擬薦芳蘋

華嶽三峯峻峩峩媚萬仞秋雪山知不隔魂魄定來游香印梅

檀像松膠藥玉舟神絃傳致語髣髴繼商邱謂宋中丞牧仲

賈陸經綸在紅豆老人云東坡深歎賈誼陸贄之學不傳于世晁張意氣聯英靈如

可作名節至今傳南海飄零久西方願力堅憑誰吹玉笛招

取鶴飛仙

冰雪凝寒候煙霄陟降時神來玉局觀像擬瑞蓮池詩筆千

秋業廉頑百世師金梁橋畔會共望小峩峩秋帆中丞曩在西安每冬致祝

今移節中州汝州有小我甥公  
兄弟葬焉必爲此會故及之

除夕

一樽蔬筍兩人同  
燭影幢幢待漏終  
自媿行藏渾未定  
已甘貧病任交攻  
衙齋況味清於水  
賓從詩才氣似虹  
時誦芬以和詩見示  
差喜瓦溝畱瑞雪  
早憑鏡聽卜和豐

春融堂集卷十八終